

# Lupa' nug Gapu' nami, iin Pigbenwanan nug dalag Geetget



## Para andun kig libru kini?

Binaal ig libru kini adun gemiten nug dalag getaw Subanen adun mpegebangan ilan metau meksulat, mekineeg, megbasa bu' kenundun pegsulbad dig prublima dig gendaw gendaw pegleketubu' nilan.

Telu pektu'unan misulat dini:

Pektu'unan 1: Dalag misekupanen lugar

Pektu'unan 2: Dalag Ketungud nami

Pektu'unan 3: Dalag Tulumanun nami

Iinini sug tuyu' nug libru kini:

1. Pegebitan sug dalag sakup lupa' nug ginepu'an.
2. Pegebitan sug ketungud dig lupa' nug dalag ginepu'an.
3. Metalu' sug dalag pegbaalen nug getaw Subanen ditug lupa' nug ginepu'an.

Sug kada pektu'unan bitang dini adun mekegabang dig Subanen, adun mesuunan sug dalag betang duunig labet nug dalag Subanen bu' dig lupa' nug pigeputan. Duunig saak dig kada pektu'unan mekpaita' dig dalag misuunan niu na.

Tuyu' nami meliag amu dig pektu'un niu dig libru kini adun megabangan amu dig pegleketubu' niu yawat na madugangan ig misuunan niu buat diag libru kini.

## **Pektu'unan 1: Dalag Lugar Misekupanen**

Besaan sug samba' bu' sembagen sug saak diag dialem.

### **LUPA' NUG PIGEPU'AN**

Lupa' nug pigepu'an nami  
Meliwag bu' melaun pemulaan  
Melaun sug pimulaan  
Sabang, sapa', tebuud  
Bu' duma pa tubigan,  
Mipeduma sug binaalan  
Gimpurtanti dig tiba'an.  
Pigbetadan dalag ginepu'an  
Sug lebengan begudin  
Subay balakaten.


Andun gupia lugaray dun misakup dig lupa' nug dalag pigepu'an?  
Pegbetadan baig tiba'anen kini? Mauma?

## BESAN TA

Besaan gupia sug tinalu' bahin dig deduing.

## BINUIDAN

Ditug buid mita' ig dalag ginis metetubu'.




## GULANGAN

Melaun puun gayu bu' dalag pegimulaan dig gulangan.




## TUBIGAN

Limpiu sug biantan nug tubig.




## PEGBENWANAN

Melaun ig balay nug miuna getaw.




## **BINAALAN**

Meliwag ig dalag  
binaalan.



## **KELEBENGAN**

Dinig pinglebeng sug  
dalag Subanen.




## **SAGRADU LUGAR**

Iinini sug dalag geyuan  
bu' tebud.



## SUG BINAAL DIWATA

Melaun ig gininisan metetubu'; mekelabung pegimulaan bu' gayu.



## SULATEN TA

Puli'ay sulatay sug talu' daan na sinulat dun.

1. binentuudan

---

2. gulangan

---

3. tubigan

---

4. getaw Subanen

---

5. kelebengan

---

6. Sagradu lugar

---

7. Binaal Diwata

---



## PEGDELEMDEMEN TA

Sug lupa' nug pigepu'an suminakup dig tibuukan barangay misakupen sug binentuudan, gulangan, tubigan, binaalan kelebengan, sagradu lugar, pengeyaman bu' sug daan binaal Diwata, ginangkun nug dalag geetgeet dig pigbenwanan nilan pa'agi nug dalag pigepu'an nilan.

## PEGLEKWINTAAN TA

Sembagen sug dalag sinaak dun.

1. Si pated Taut, pated Umbal, pated Tulawi bu' pated Pegas mingayam ilan. Naa, sug sala sala mikalap piksalabuuk:

pated Taut	-	2 lebuyu'	pated Tulawi	-	1 gusa bu' 1 lebuyu'
pated Umba	-	1 lebuyu' bu' 1 gusa	pated Pegas	-	2 gusa bu" 2 lebuyu'

a. Santa' ig launan mi'alap nilan lebuyu'?

pated Taut	-	2 lebuyu'
pated Umbal	-	1 lebuyu'
pated Tulawi	-	1 lebuyu'
pated Pegas	-	2 lebuyu'
		<hr/>
		lebuyu'


b. Santa' ig launan mi'alap nilan gusa?

pated Umbal	-	1 gusa
pated Pegas	-	2 gusa
		<hr/>
		gusa

# SEMBAGEN TA


A. Besaan su ngag talu' sinulat ditu. Dayun pili' niu sug talu' tukma' nug deduing. Sulatay niu ig sembag dig dialem nug deduing.

piglaunan  
gulangan




1. \_\_\_\_\_

binentuudan  
tubigan




3. \_\_\_\_\_

nitibu getaw



4. \_\_\_\_\_



2. \_\_\_\_\_



5. \_\_\_\_\_

B. Sug mekpated Isis, Sibiu, Tegas bu' Tiyapan minangay ilan tug sapa' adun mengindaap. Sug dalag mi'alap nilan iinini:

Isis - 2 buuk gulang bu' 3 buuk beleg  
Sibiu - 1 buuk gulang bu' 4 buuk beleg  
Tages - 3 buuk gulang bu' 3 buuk beleg  
Tiyapan - 2 buuk gulang bu' 5 buuk beleg

Petenday


Linginan sug mektukma' sembag nug sinaak.


1. Santa' buuk ma mi'alap gulang nug paat tawan mingindaap?  
a. 8 gulang                      b. 15 gulang                      c. 10 gulang
2. Santa' buuk beleg mi'alap nug paat tawan mingindaap?  
a. 8 beleg                      b. 15 beleg                      c. 10 beleg
3. Santa' buuk beleg mi'alap ni Tages bu' ni Tiyapan?  
a. 8 beleg                      b. 4 beleg                      c. 9 beleg
4. Santa' buuk beleg mi'alap ni Isis bu' ni Tiyapan?  
a. 4 beleg                      b. 6 beleg                      c. 7 beleg
5. Santa' ig launan gulang bu' beleg mi'alap nilan?  
a. 23                      b. 15                      d. 8

## Pektu'unan 2: Sud Dalag Ketungud Nami

### PEKTU'UNAN TA

A. Duunig gebii migabitabit sug pamilya Tanday selian mengulali.






## Pegebitabitan ta

1. Andun gupia ketungud mitalu' ni Ama' Tanday ditug pamilyanen?
2. Andun sug tinalu' ni Ina' adun mesuunan nug duma nilan bahin dig ketungud nilan?
3. Andun ma gupia pemulaanay dun mitalu' ditug miting?
4. Kenundun ma dun?

# BESAN TA

Sug pemunu'an nug Gingin mig miting.





## PEGDELEMDEMEN TA

A. Sug dalag getaw Subanen duunig ketungud nilan ditug lupa' nug dalag gapu' nilan.

- \* Ketungud adun gegulingen nilan sug lupa' nug dalag gapu' nilan.
- \* Ketungud adun lumambu' sug lupa' bu' pemulaan.
- \* Ketungud adun melengas sug pekseled nug dalag lain getaw.
- \* Ketungud adun ndi' mekegawa' dig tirituryu nilan.
- \* Ketungud adun engkunen sug duma risirbasyun.
- \* Ketungud adun mehusay sug dalag kegubut dig lupa' buat dig gapu' nilan.
- \* Ketungud adun limpiu ig tubig miinum bu' genus.

B. Sug dalag getaw Subanen megiling dadema pimula maa' nug ...

\* dalag prutas

\* mengindakap pemulan

\* bulung pimula

\* yantuk

\* gayu

\* dalag metetubu'

\* dalag seda'

\* dalag batu

\* dalag sabang tubig

\* mekebagel gayu

## SULATEN TA

Besaan ig sinulat ditu dakus sulat niu ditug baglis.

1. ketungud \_\_\_\_\_

2. dayuwan \_\_\_\_\_

3. mingendakap pemulaan \_\_\_\_\_

4. pegbingkil \_\_\_\_\_

5. lebuyu' bu' gusa \_\_\_\_\_

6. pe'uswagen \_\_\_\_\_

7. prutas \_\_\_\_\_

8. dugus \_\_\_\_\_

9. бага \_\_\_\_\_

10. tirituryu \_\_\_\_\_

## MEGLEKWINTA ITA

1. Miniyan Sabadu dig siselem si Nina migbeligya' nug mi'ani nilan buat ditug binaal nilan.  
Iini binaligya' nilan:

gabi	_____	P	50.00
saging	_____		40.00
gubi	_____		40.00
pusu' saging	_____		45.00
banggala	_____		50.00
			<hr/>
		P	

- a. Santa' galinen dig saging bu' gubi?

saging	_____	P	40.00	
gubi	_____		40.00	
		P		galin

- b. Santa' galinen dig banggala, pusu', saging bu' gubi?

banggala	_____	P	50.00	
pusu' saging	_____		45.00	
gabi	_____		50.00	
		P		galin

## SULAYAN TA

A. Peksumpaten sug misulat diag hanay A bu' B pinaagi dig kegbaglis dun.

### A

1. Ketungud mekpebilin dig tirituryu
2. Ketungud dig pegangkun
3. Ketungud dig limpiu tubig bu' genus
4. Ketungud sa' duunig gumalin dia
5. Ketungud ta behinen sug lupa' bu' dalag ginegu'an.

### B

- a. megangkun dig lupa' bu' tubigan pigbenwanan nu ngag getaw kia.
- b. ndi' mpawa' sug dalag getaw kia dig pigbenwanan nilan.
- c. gelinen dig lain pegbenwanan saba' nug medekdes genus.
- d. pegalin nug lupa' dig dalag megbali getaw.
- e. pigsalabuuk sug dalag pa'agi adun pemunu'an sug dialem tubigan bu' gawanawan.

## B. Meglekwinta ita

1. Santa' kilu launan misulat dini?

5 kilu nug saging

6 kilu nug petani

7 kilu nug singkamas

8 kilu nug gubi

2. Si Ama' Tigem minangay ditug mirkadu adun sumaluy bagya', giiket bu' ganting. Naa sug laga' migastunen P 250.00. Santa' ma sinukli' diniin ditug siinen P 500.00?

C. Penengawen sug tinalu' binaal Megbebaya'. Dayun sulaten sug mibeleng litra ditug kada seled kahun adun mekumplitu sug talu'.

1. dig medelem lugar, dig dialem gulangan

l		n	g		b
---	--	---	---	--	---

2. mekpelengas dig pelibut ta

p		m		l	
---	--	---	--	---	--

3. mayan sug tubig dig bentuud

b		g	
---	--	---	--

4. buid mipenu' pimula bu' mekebelu' metetubu'

g		l		n	g		n
---	--	---	--	---	---	--	---


5. meliwag pimulaanan nug palay bu' mi'is

b		n			l		n
---	--	---	--	--	---	--	---

## Pektu'unan 3: Sud Dalag Pegbaalen Nami

### PEKTU'UNAN TA

Sug pegabitabit nug dalag getaw ditug Gingin





## PEGEBITABITEN TA

1. Andun gelal nug pemunu'an nug Gingin?
2. Mikenunduun ma sug binentuudan?
3. Andun ma baalen nug dalag getaw kia dig lupa' buat ditug gapu' nilan?
4. Andun ahinsyaay dun mendadi mekpaabang sug dalag kaunutan nug dalag Subanen?
5. Andun maig liagan nug dalag getaw dig lupa' nilan?

## PEGENA'ENA'EN TA

Sug dalag getaw Subanen ketungud nilan pesiba'an  
sug lupa' nilan

Baalen nilan....

- \* mekpebilin sug saktu ikuluhiya
- \* pemulaanan sug miupaw binentuudan
- \* sunuden sug betad

## SULATEN TA

Besaan sug sinulat ditu dakus peksunuden sulatay sug dalag talu'. Sunuden sug alpabitu.

1. megimula \_\_\_\_\_
2. puli'an \_\_\_\_\_
3. mi'upaw \_\_\_\_\_
4. betad \_\_\_\_\_
5. bentuud \_\_\_\_\_
6. balansi \_\_\_\_\_
7. ikuluhiya \_\_\_\_\_
8. ginapu'en \_\_\_\_\_
9. lupa' \_\_\_\_\_
10. paabang \_\_\_\_\_

## MEGLEKWINTA ITA

1. Sug pemunu'an nug dalag Subanen minengi' 2,500 similya nug parkata buat dig ahinsya nug Department of Agriculture (DA). Sug Department of Environment bu' Natural Resources (DENR) migbegay dedama ilan 1,200 similya nug guma. Santa' buuk maig launan nug similya?

DA	_____	2,500 silding nug parkata
DENR	_____	1,200 silding nug parkata
LGU	_____	<u>1,000 silding nug parkata</u>

silding nug parkata

2. Duunig pimula gayu ditug buid Titik. Iinini sug launan getaw ditug buid.

<b>Getaw Subanen</b>		Pikaunutan nug kada siktur		
Tribu nug mekegulang	_____	10	DENR	_____ 2
Pikumpungan nug dalag getaw ditug Titik	_____	15	LGU	_____ 2
Pigibunan	_____	10	NCIP	_____ 3
Dalag gembata'	_____	25	DepEd	_____ 2
	_____		DA	_____ 2

## SEMBAGEN TA

- A. Sulat niu dia sug talu' "saktu" sa' mesu'at ig tinalu' dun. Sa' ndi' saktu, sulaten sug talu' "kana".
1. Melengas sa' memula gayu dig binentuudan.
  2. Sug pegbaal musing ndi' melaaten pu' mekegabang dig launan getaw.
  3. Pesiba'an ta sug dalag pimula binaal nug Diwata.
  4. Sug pengindaap kinara'an pigbetaadan nug dalag Subanen.
  5. Melengas sa' meguskila gupia sug dalag getaw Subanen.
  6. Sug dalag getaw Subanen duunig betad sinunud.
  7. Ndi' petuyangen me'upaw sug dalag binentuuden.
  8. Sug pegamit kuryinti dig pengindaap melengas baalen nug dalag Subanen.

B. Santa' iktar maig lupa' mendadi pemulaan?

- |                    |       |             |
|--------------------|-------|-------------|
| * Bentuud Kenangan | _____ | 500 iktarya |
| * Bentuud Pinukis  | _____ | 200 iktarya |
| * Bentuud Lubi     | _____ | 100 iktarya |
| * Bentuud Mawal    | _____ | 400 iktarya |